

Uppgjör Nýherja hf. fyrir þriðja ársfjórðung 2009

Helstu niðurstöður fyrir níu mánuði ársins 2009

- EBIDTA hagnaður nam 107 mkr á þriðja ársfjórðungi
- Góð afkoma af nýjum hugbúnaðarverkefnum erlendis
- Rekstur Applicon félaga í Danmörku og Svíþjóð er stöðugur
- Heildarafkoma í ársfjórðungnum var neikvæð um 107 mkr, en var neikvæð um 258 mkr árið á undan
- Áform um útgáfu á nýju hlutafé

Þórður Sverrisson, forstjóri:

„Viðsnúningur varð á rekstri Nýherja hf. í þriðja ársfjórðungi frá því sem verið hefur síðustu þrjá ársfjórðunga. EBITDA hagnaður nam 107 mkr og nálgast að vera áþekkur því sem var í öðrum og þriðja ársfjórðungi 2008. Sala á búnaði og lausnum á Íslandi jókst eftir því sem leið á tímabilið, sem gefur varfærnar vísbendingar um betri horfur í sölu á rekstrar- og tækniþjónustu. Nýherji hefur lagt þunga áherslu á að lækka rekstarkostnað á árinu sem hefur skilað sér í bættri afkomu eftir því sem liðið hefur á árið og mun áframhaldandi aðhald styrkja rekstrarafkomu í fjórða ársfjórðungi.

Rekstur Applicon félaga í Danmörku og Svíþjóð er stöðugur og horfur viðunandi þrátt fyrir samdrátt í efnahagslífi landanna, en um þriðjungur tekna samstæðunnar kemur frá starfsemi erlendra dótturfélaga.

Markaðsstaða fyrir hugbúnaðarþjónustu og ráðgjöf á Íslandi hefur kallað á að kannað sé með tækifæri erlendis. Applicon ehf. og TM Software ehf., dótturfélög Nýherja í hugbúnaðarþjónustu, hafa brugðist við miklum samdrætti innanlands með því að leita markvisst eftir verkefnum erlendis og er nú svo komið að yfir þriðjungur tekna þessara félaga kemur af verkefnum fyrir erlenda aðila. Nýherjasamstæðan hefur markað þá stefnu að fjölga enn frekar verkefnum erlendis fyrir ráðgjafa og tæknimenn samstæðunnar, meðal annars með því að nýta góða markaðsstöðu dótturfélaga í Danmörku og Svíþjóð.

Sem lið í að styrkja fjárhagsstöðu Nýherja hf. hefur stjórn félagsins ákveðið að hefja undirbúning að útgáfu og sölu á nýju hlutafé.

Rekstrarniðurstaða fyrir fyrstu níu mánuði ársins 2009

Fyrstu 9 mánuðir ársins – Lykiltölur Upphæðir í þús ISK		
	9 mánuðir 2009	9 mánuðir 2008
Seldar vörur og þjónusta	10.338.850	10.918.849
Vörunotkun og kostnaður við selda þjónustu	(4.343.304)	(5.040.477)
Vergur hagnaður	5.995.546	5.878.372
Laun og launatengd gjöld	(4.520.953)	(4.344.593)
Rekstrarkostnaður	(1.646.651)	(1.315.461)
Rekstrarhagnaður (EBIT)	(340.716)	233.292
Hrein fjármagnsgjöld	(503.919)	(1.058.294)
Hagnaður (tap) fyrir tekjuskatt	(844.635)	(825.002)
Tekjuskattur	(139.715)	(130.850)
Hagnaður (tap) tímabilsins	(984.350)	(694.152)
EBITDA	(9.356)	393.327
EBITDA hlutfall	(0,090%)	3,7%
Rekstrarliðir færðir á eigið fé	736.414	195.564
Heildarhagnaður (-tap)	(177.936)	(498.588)
Meðalfjöldi stöðugilda	598	714

Sala á vöru og þjónustu nam 10.339 mkr fyrstu 9 mánuði ársins 2009, samanborið við 10.918 mkr á sama tímabili árið áður. Sala hefur því dregist saman um 5,3% á milli ára. Tekjur starfseminnar á Íslandi námu 6.960 mkr, en 3.379 mkr hjá erlendum dótturfélögum.

Laun og launatengd gjöld námu 4.520 mkr en voru 4.345 mkr fyrir sama tímabil árið áður. Vegna gengisbreytinga hafa laun erlendra starfsmanna hækkað um 46% í íslenskum krónum fyrstu níu mánuði ársins 2009 miðað við sama tímabil árið áður, eða um 648 mkr. Meðalfjöldi stöðugilda fyrstu 9 mánuði ársins 2009 var 598 en var 714 fyrir sama tímabil árið áður. Rekstrarkostnaður var um 1.647 mkr, en var 1.315 mkr yfir sama tímabil í fyrra. Rekstrarhagnaður fyrir afskriftir, fjármagnsliði og skatta - EBITDA – var neikvæð um 9 mkr á tímabilinu en EBITDA var jákvæð um 393 mkr árið áður.

Hrein fjármagnsgjöld voru 504 mkr í samanburði við 1.058 mkr á sama tímabili árið 2008. Tap fyrstu 9 mánuði ársins 2009 var 984 mkr en tap fyrstu 9 mánuði ársins 2008 nam 694 mkr. Heildartap nam 178 mkr, en heildartap fyrir fyrstu níu mánuði ársins 2008 nam 499 mkr.

Efnahagsreikningur 30.09 2009– Lykiltölur Upphæðir í þús ISK		
	30.09 2009	31.12. 2008
Fastafjármunir	6.392.258	5.577.424
Veltufjármunir	3.666.165	4.375.010
Eignir samtals	10.058.423	9.952.434
Eigið fé	1.785.121	1.963.966
Langtímaskuldir	2.378.617	2.669.106
Skammtímaskuldir	5.894.685	5.319.362
Eigið fé og skuldir samtals	10.058.423	9.952.434

Heildareignir í lok tímabilsins voru 10.058 mkr samanborið við 9.952 mkr í lok ársins 2008. Langtímaskuldir hafa lækkað frá árslokum úr 2.669 mkr í 2.379 mkr. Skammtímaskuldir hafa hækkað frá árslokum úr 5.319 mkr í 5.895 mkr. Eigið fé í lok september 2009 var 1.785 mkr og er eiginfjárhlutfall nú 17,8% en var 19,7% um síðustu áramót.

Rekstrarniðurstaða á þriðja ársfjórðungi 2009

Fjórðungsyfirlit – Lykiltölur	Upphæðir í þús ISK				
	F3 2009	F2 2009	F1 2009	F4 2008	F3 2008
Seldar vörur og þjónusta	3.301.404	3.479.234	3.558.212	3.993.762	3.663.945
Vörunotkun og kostnaður við selda þjónustu	(1.369.377)	(1.457.235)	(1.516.692)	(1.779.720)	(1.813.029)
Vergur hagnaður	1.932.027	2.021.999	2.041.520	2.214.042	1.850.916
Laun og launatengd gjöld	(1.356.518)	(1.601.522)	(1.562.913)	(1.607.849)	(1.425.538)
Rekstrarkostnaður	(526.670)	(768.794)	(531.014)	(789.037)	(360.962)
Rekstrarhagnaður - EBIT	52.080	(342.101)	(50.695)	(174.562)	69.652
Hrein fjármagnsgjöld	(171.361)	(256.739)	(75.819)	(421.875)	(389.414)
Tap tímabilsins fyrir tekjuskatt	(119.281)	(598.840)	(126.514)	(596.437)	(319.762)
Tekjuskattur	(1.700)	(84.431)	16.416	89.577	57.930
Hagnaður tímabilsins (tap)	(120.981)	(683.271)	(110.098)	(506.860)	(261.832)
EBITDA	107.374	(108.903)	(7.827)	(84.260)	124.956
EBITDA hlutfall	3,3%	(3,13%)	(0,22%)	(2,1%)	3,4%
Rekstrarliðir færðir á eigið fé	14.068	771.134	(48.788)	246.563	61.004
Heildarhagnaður (-tap)	(106.913)	87.863	(158.886)	(260.297)	(200.828)
Meðalfjöldi stöðugilda	630	649	667	701	737

Sala á vöru og þjónustu nam 3.301 mkr á þriðja ársfjórðungi, samanborið við 3.664 mkr á sama tímabili árið 2008. Tekjur hafa dregist saman um 9,9% frá þriðja ársfjórðungi 2008.

Laun og launatengd gjöld námu 1.357 mkr en voru 1.426 mkr fyrir sama tímabil 2008. Heildarfjöldi stöðugilda í lok tímabilsins var 628 en var 721 fyrir sama tímabil í fyrra. Vegna gengisbreytinga hafa laun erlendra starfsmanna hækkað um 43% í íslenskum krónum milli þriðja ársfjórðungs 2008 og 2009, eða um 197 mkr.

Rekstrarkostnaður var 527 mkr á þriðja ársfjórðungi en var 361 mkr á sama tíma á árinu 2008. Rekstrarhagnaður fyrir afskriftir, fjármagnsliði og skatta - EBITDA – var jákvæð um 107 mkr á tímabilinu en EBITDA var jákvæð um 125 mkr á sama tímabili fyrir árið 2008.

Hrein fjármagnsgjöld voru 171 mkr í samanburði við 389 mkr á þriðja ársfjórðungi 2008. Heildartap í fjórðungnum nam 107 mkr en heildartap á þriðja ársfjórðungi í fyrra nam 258 mkr.

Yfirlit yfir rekstur í þriðja ársfjórðungi

Hugbúnaðarsala hjá Nýherja hf. var vel yfir áætlun í þriðja ársfjórðungi og talsvert betri miðað við sama tímabil í fyrra. Sala á netþjónum er lítillaga undir áætlunum, enda hefur orðið umtalsverður samdráttur á markaðnum milli ára. Þá hefur eftirspurn dregist saman í tölvu- og samskiptabúnaði. Sala á rekstrarvörum og aukabúnaði fyrir fyrirtæki hefur verið ágæt og vaxið eftir því sem liðið hefur á árið en sala á prentlausnum er minni en ráð var fyrir gert. Afkoma Nýherja móðurfélags var jákvæð en undir áætlum.

Rekstur Sense ehf., sem er sérhæft í hljóð- og myndlausnum og rekur Sony Center og Sense Center í Kringlunni, gekk vel. Sala á neytendabúnaði, svo sem frá Canon, Sony og Vivanco, hefur verið stöðug á árinu. Þá hefur ræst úr verkefnastöðu hjá tækniþjónustu félagsins á Íslandi og erlendis og eru horfur fyrir fjórða ársfjórðung ágætar.

Jákvæður viðsnúningur varð hjá tækni- og rekstrarþjónustufyrirtækinu Skyggni ehf. á þriðja ársfjórðungi. Verkefnum fjölgaði eftir því sem leið á tímabilið, eftirspurn jókst eftir ýmis konar sérlausnaþjónustu, svo sem í hagræðingarverkefnum. Þá hóf Skyggnir að bjóða kerfisveitupjónustu í Danmörku í samstarfi við systurfélagið Dansupport og eru vonir bundnar við að verkefnið skili árangri á fjórða ársfjórðungi. Bætt afkoma í lok þriðja ársfjórðungs gefur tilefni til þess að ætla að afkoma á fjórða ársfjórðungi verði ásættanleg.

TM Software ehf. hefur lagt áherslu á verkefni erlendis í ljósi þess samdráttar sem hefur orðið í sölu hugbúnaðarverkefna á Íslandi. Hraður samdráttur og erfið rekstrarskilyrði hér hafa haft þær afleiðingar að tap er í

ársfjórðungum. Aukning í verkefnum erlendis er þó komin á það stig að seinni hluti þriðja ársfjórðungs gefur væntingar um að botninum sé náð og hæg uppbygging og jákvæð rekstrarafkoma sé framundan. Rekstur EMR ehf, dótturfyrirtæki TM Software, sem sérhæfir sig í heilbrigðistengdri upplýsingatækni, var góður á tímabilinu en fyrirtæki og stofnanir í heilbrigðisþjónustu á Íslandi hafa í auknum mæli nýtt upplýsingatækni frá EMR til að ná fram hagræðingu í sinni starfsemi.

Tvíbent markaðsstaða fyrir hugbúnaðarþróun hefur haft áhrif á rekstur Vigor ehf., sem hefur brugðist við breyttum aðstæðum með lækku á rekstrarkostnaði, sem áætlað er að skili betri afkomu á fjórða ársfjórðungi. Vigor, sem selur alhliða viðskiptahugbúnað, hefur sterka stöðu í þjónustu fyrir flest stærri orkufyrirtæki landsins.

Ágætur hagnaður var af starfsemi Applicon ehf. á þriðja ársfjórðungi, en það tímabil er jafnan erfiðast í rekstri fyrirtækisins. Skipulagsbreytingar, á fyrri helmingi ársins, og öflug sölustarfsemi hérlendis og erlendis hafa skilað sér í lægri kostnaði og bættri verkefnastöðu. Tekjur voru umfram væntingar, einkum vegna verkefna erlendis yfir sumarmánuðina. Tæplega helmingur af þjónustutekjum í ársfjórðungnum byggja á nýjum verkefnum fyrir erlenda viðskiptavinum, og er verkefnastaða og horfur fyrir fjórða ársfjórðung góðar.

Góður gangur var í starfsemi dótturfélaga Nýherja í Danmörku og Svíþjóð. Tekjur hjá Applicon í Danmörku voru ágætari í ársfjórðungnum en félagið hefur sterka stöðu á danska markaðnum og er unnið að því að afla frekari verkefna hjá stærri fyrirtækjum þar í landi. Ekki hefur verið vöxtur á dönskum upplýsingatæknimarkaði á þessu ári, en áætlanir greiningaraðila gera ráð fyrir að vaxtartímabil hefjist á næsta ári. Rekstur Applicon í Svíþjóð er samkvæmt áætlun. Félagið hefur að undanförmu unnið verkefni fyrir nokkra af stærstu bönkum Norðurlanda; Nordea, Swedbank og Handelsbanken. Horfur um afkomu í fjórða ársfjórðungi eru ágætari. Náð samstarf Applicon félaganna í Danmörku, Svíþjóð og á Íslandi hefur skilað sér í nýjum verkefnum, svo sem hjá ING bankanum í Hollandi og Nationwide bankanum í Bretlandi.

Dansupport hefur unnið að því að lækka rekstrarkostnað sem hefur skilað sér í bættri afkomu á þriðja ársfjórðungi. Þar er verkefnastaðan þokkaleg og gert ráð fyrir að afkoma verði jákvæð á fjórða ársfjórðungi.

Horfur

Náðst hefur viðsnúningur í rekstrarafkomu Nýherjasamstæðunnar með mikilli lækku kostnaðar, kröftugri sölustarfsemi og bættri nýtingu ráðgjafa og tæknimanna. Stefnt er að betri rekstrarafkomu í fjórða ársfjórðungi 2009 og eru horfur á næsta ári jákvæðar.

Fjárhagsdagatal fyrir 2009:

Áætluð birting árshlutauppgjors fyrir árið 2009.

Fjórði ársfjórðungur: 29. janúar

Samþykkt árs hlutareiknings

Árshlutauppgjör fyrir þriðja ársfjórðung 2009 var samþykkt á stjórnarfundum Nýherja hf. 23. október 2009. Árshlutauppgjör Nýherja hf. er gert í samræmi við alþjóðlega reikningsskilastaðla (IFRS-International Financial Reporting Standards). Þýðingarmunur erlendra dótturfélaga er nú tilgreindur í yfirliti um heildarafkomu árs hlutareiknings í samræmi við ákvæði alþjóðlega staðalsins.

Nánari upplýsingar

Nánari upplýsingar veitir:

Þórður Sverrisson, forstjóri Nýherja, í síma +354 893 3630.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Félög Nýherja samstæðunnar í rekstri eru 20 bæði hér heima og erlendis og er heildarfjöldi stöðugilda 628. Hlutabréf Nýherja hf. eru skráð í OMX Kauphöll Íslands.

Stjórn Nýherja: Benedikt Jóhannesson, stjórnarformaður, Árni Vilhjálmsson og Guðmundur Jóh. Jónsson. Þórður Sverrisson er forstjóri Nýherja.